



ALVER KOMMUNE
Postboks 4
5906 FREKHAUG

Vår dato: 17.03.2023
Vår ref: 2023/3303

Dykkar dato: 22.02.2023
Dykkar ref: 2020/4234

Saksbehandlar, innvalstelefon
Martin Søgnen, 5764 3079

Uttale - Alver 29/2 - Hauge - uttak av masser

Vi viser til høyring på søknad om uttak av massar til bygging av landbruksveg på gnr. 29. bnr. 2 i Alver kommune. Viser til tidlegare korrespondanse med Svein Arne Vågane, og utsett frist på uttale til 16.03. Massetaket er planlagd med uttak på 700 m³, på eit areal på 20x40 meter. Det er ikkje opplyst noko om interesser i vegen som skal byggast. Kommunen har sendt saka til uttale, jf. *forskrift om planlegging og godkjenning av landbruksveier § 3-1, jf. § 1-1.*

Føremålsparagrafen i landbruksvegforskrifta seier «*Formålet med denne forskriften er å sikre at planlegging og bygging av landbruksveier skjer på en måte som skal gi landbruksfaglige helhetsløsninger. Det skal samtidig legges vekt på hensynet til miljøverdier som naturmangfold, landskap, kulturminner og friluftsliv, hensynet til fare for flom, erosjon og løsmasseskred, samt andre interesser som blir berørt av veiframføringen»*

I slike høyringssaker går vi ikkje detaljert inn i dei vurderingane som må gjerast i saka, dette fordi det er kommunen som er den ansvarlege førsteinstansen og som skal foreta dei konkrete vurderingane i forhold til regelverket. De kan finne ein god del informasjon på [nettsida](#) vår som kan vere nyttig, der er det bl.a. lenker til regelverket og aktuelle rundskriv.

Tiltaket ligg i strandsona. Vi minner om at kommunen har føresegns i kommuneplanen, som gjeld tiltak i strandsona i LNF-område jf. føresegn 3.4.1. Det er viktig at kommunen vurderer om tiltaket er i samsvar med kommuneplanen.

Vi har gjort ein kort utsjekk av miljøinteressene i denne konkrete saken, og så vidt vi kjenner til er det ikkje viktige naturkvalitetar eller miljøverdiar som vert råka av dette veganleggjet.

Vi vil peike på det grunnleggande kravet i landbruksvegforskrifta, at landbruksverksemrd skal utgjere hovudformålet. Er det tilfelle i denne saken? Søkar skriv at det er aktuelt å ta ut stein til vegbygging. Noko stein vil bli lagt tilbake for å dempe terrenginngrepet, og jord vil bli lagt på sidene. Søkar skriv at botnen av uttaket kan vere eigna til fôring, og han vil få anledning til å lage ein runding til å trenre hestar på.



Med helsing

Christian Rekkedal
landbruksdirektør

Martin Søgnen
rådgjevar

Dokumentet er elektronisk godkjent